

Lutino weng romo pwonye.

Dul lwod me pwonye wa me abicel ma mako goro i kit ma lutino kwo kwede ki gang wa ki i gang kwan.

- **Me cako ne**

Glades: Itye ka winyo dul lwod me *Lutino weng romo pwonye*. Jo ma kelo botwu aye **Backup Uganda** kacel ki **Brainstud**. Itwero winyo pwonye wa ni ki i wiyamo onyo **internet** ma tye i wang **website** wa ma kilwongo ni www.backupuganda.org, ka i tye ka winyo wa ki i Gulu, i romo gamo pwonye man macalo dwan ma ki mako ki i Mega FM, onyo i Divine Video & music library matye i dye boma kany, ki bene i gangi kwan magi, Highland primary school ma tye i Obiya i yo Kitgum, Gulu Prison Primary School i yo Lacor ma opime ki ot lega Holy Cross, i Gulu Town Primary School ma tye i yo Gulu University, onyo i Mary Immaculate Primary School i nge gang lega madit pa Katoli ma ki lwongo ni Cathedral ma tye i For-God, St Joseph's Primary School onyo Christ the King Demonstration Primary School i nge gang kwan Sacred Heart. Kace i maro ngec ma i pwonye wa ni, bed agonya me nywakone ki lupaco ni, luremi, ki jirani ni bene. Ka dano madwong guwinyo pwonye i kom kit peko ma lutino nongo i kare me kwan, ci waromo konyo lutino wa maber loyo!

- **Nyutu pwonye me adek (Nyutu dul lok me 3)**

Wajolo wu i dul pwonye wa me abicel me *Lutino weng romo pwonye*. Lwod man neno yoo me konyo latin acel acel wek obed ki kony weng ma mite pi kwan mamege- kadi bed ni nen tek.

Glades: An laloki nyinga Glades, atye lapwony bot dul me Backup Uganda. Tin, atye ki lawota Toolit. Toolit i romo nyute bene?

Toolit: Apwoyo Glades. An laloki nyinga Toolit, atye latic i dul me Backup Uganda macalo Lapwony. I dul lwod wa me pwonye ma tin me *Lutino weng romo pwonye*, wabinywako goro mapatpat ma lutino mapol bedo kwede onyo ginongo i kare me kwan ma kilwongo ni goro ma mako kit dano, goro ma nen i kit kwo pa latin ma lube ki kama en bedo iye ki kama kwano iye. Ka i winyo lok man, jo mapol romo penyo wigi ni, kit kwo ango?, pien wangeyo ngat acel ael tye ki kite mapatpat, maber onyo marac. Lwod i dul pwonye wa ma tin bikonyo wa me niang maber.

Glades: Pi kare dong, wabedo ki dul abic mapatpat me dul lwod me 'pwonye man ma mako lok kom goro mapatpat ma balo kwan/pwonye. Ageno ni wumaro dok ocalo temo tic kwedgi woko i pwony-wu macalo lunywal, lupwonye, jirani onyo wayo. Kong dong malube ki dul ma okato pi dakika manok. I dul me abic me Lutino weng romo pwonye, waloko i kom goro ma weko lutino maro bedo kekengi dok nongo lok ki luwot-gi onyo mako lurem tek mada. Waloko matut i kom goro macalo meno ki yoo ducu ma waromo konyo ki lutino matye ki kodi goro meno. Ka pud peya i winyo, i romo nongo wa i wiyamo me internet matye i wang website wa ma ki lwongo ni www.backupuganda.org onyo i nyonyo lakub lok macalo radio Mega FM ki i ka poko jami lagal wang ki wer macalo Divine & Music Library ki bene i gangi kwan macalo Highland Primary School, Gulu Prison Primary School, Gulu Town Primary School, Mary Immaculate Primary School, St Joseph's Primary School, onyo Christ the King Demonstration Primary School. Omito wiwa opo bene ni lutino matye ki goro mamiyo gi maro bedo keken gi, bedo laling-ling ki goro mukene gu bene gi tye ki teko gi onyo ryeko mapatpat i kom goro gi eno ni dok opore ki wan me tic kwede me konyo gi

Tin, wabecito ka neno odoco goro mukene ma pol wan dong wa kato iye, ki bene twatwale lutino wa. Eni aye walwongo ni goro ma kwako kit ngat moni. Pol kare luyondo ki lupwonye gi gak ka waco ni, kit kwo pa latin ni dong pe gude, aol kwede ki bene nongo pe gi ngeyo gin ma kilwongo ni kit dano tyene ningo, kama aa ki iye, ngo ma weko kit dano eno ni bino, ki ngo ma mite ni ki tim. Pingo pe watero kare ni me niang tin?

Toolit: Yoo ma yot me gonyo tyen lok ni 'kit dano' en aye kit ma ngat moni time kwede. Goro me kit dano obedo goro ma niange oyot ka i nen kit ma ngat moni time onyo bedo kwede pe niango dano. Ka i nen kodi lanyut macalo meno bedo ka nyute i kare me pwonye, waket labole macalo i ot kwan onyo i gang kwan dok balo kit me kwan pa latin, ci waromo lwongo ni goro ma balo pwonye. I ada, goro mapol ma mako kit ma dano time kwede onyo bedo kwede romo aa ki i goro mogo ma gengo onyo balo pwonye. Wiwa po i kom ADHD onyo goro ma mako wic dok miyo latin onyo lutino pe romo bedo mot, wigi wil oyot, loko cawa weng/tetere?. Lutino ma tye ki goro man nyutu kit ma pe opore dok malubu goro ma gitye kwede. Waromo waco ni kit magi tye goro ka i nen lanyute nen cawa weng ento pe tyen lokke ni ka latin moni oding dong bene nongo gi tye ki goro meno- omyero onen cawa weng. Lanyut mogo en aye romo bedo gero ki bot latin dok nongo pe paro ngo ma gitimo i kom luwotgi. Kit macalo Glades owaco, goro ma mako

kit pa dano obedo goro i kin goro mapatpat. Man tyen lokke ni tye goro mapatpat ma poto ite dul goro ma mako kit pa dano. Wakelo gi kacel pieni tye yoo mapol ma waromo lweny kwede i kom goro magi ma kit gi cok cok ni.

I dul pwonye wa mukato ducu, wabedo ka poyo wiwu i kom lok ma mapatpat ma pol kare ki tiyo kwede i kom lutino matye ki goro, ma pe konyo gi. Lok calo wii dit, komi wac, timo jami mot ki ma pol ata. Eni bene time ki lutino ma tye ka yele ki goro i kit me kwo kwede, romo bedo ki gang onyo i gang kwan; gin aye lutino ma ki miyo bot gi nying macalo lutino matye luyela twatwal.

Nying magi pe loko lutino ni matwal, ento balo dok medo ameda pien weko gi bedo ma wigi gak kapo cawa ducu. Kombedi, kong wanen lanyut ma romo nyutu ni latin eni tye ki goro i kit me kwo i gang ki i gang kwan.

- **Lanyut**

Glades: Kong watam i kom dul goro i kwo ma pol kare tye dok waneno calo peko. Atye ki gen ni dong i tamo i kom labol mukene cut cut i kare ma i winyo waloko i kom goro i kit me kwo ki i gang ki gang kwan. Ka wawaco ni wor kono? Tic ki lok maraco? buru dano? lweny? Pingo kong pe wakwany kare me niang i kom kwayi goro i kit me kwo mapatpat ki goro i kit pa dano matut?

Kit dano romo niange i dul aryo mapatpat, watye ki kit dano ma nyute woko onyo nen ki kit dano ma pe nyute. Malube ki kit dano ma nyute woko kamaleng, tyen lokke ni, in i neno woko kit nagt moni cut. Kit dano ma i romo neno ne onyo ngati moni nyutu woko kamaleng, gin aye; koko, lweny, ngwec cawa weng ki kit kwo mo keken ma i neno. Ka watye ka lok i kom kit dano ma lutino nyutu gi woko, gin aye lutino ma pol kare pe gilubu cikke ki gang onyo ki i gang kwan, gi kwalo kwo, gi ger, ki gibalo jami calo gibedo (desks) ki i gang kwan, onyo jami calo kikobo ki cwan ki gang. Angeyo luyondo ki lupwonye giyele me yubu kit dano macalo meno, ento calo kit ma Toolit owaco kwede, goro i kit pa dano bedo kare malac dok gi bedo ka yelo latin ma nongo pe juke pe oyot. Kun nongo lutino matye ki goro macalo meno pol kare gin luyela ma nongo dano ma cok kwedgi neno bene, goro magi pol kare miyo kica mako dano i kom gi.

Toolit: Malubu meno bene, watye ki kit dano mukene ma pe nyute kamaleng, dok kit meno dano pe neno. Waromo tamo labole calo kit ma i loko kwede keni keni i adami. Magi romo time i yoo maber onyo marac. Ka i bedo ka waco ni in pe i twero gin mo keken dok ni in konyi pe ki mukene mapol. Man miyo waloko i kom goro ma pud obiyeli pi kare malac i kwo ni. Magi jami

ma lutino timo dok pol kare nongo gitimo labongo ngec. Jami magi yelo kwan pa lutino mada, ento tye kit dano ma pe nen. Iromo byeko ne ka latin tye ka bedo kene, cwinye potu ka timo bal, bedo kene onyo pe nywako tam i ngo matye ka diyo kwo-ne. Lutino matino pol kare gi maro koko aba-wic onyo ni igi tye ka rem/mwode ka gi tye ki lanyut ma awaco ni ki bene ka nongo pud peya gupwonye kit me nyutu yomcwiny onyo keco gi ento giwinyo arem. Dong malube ki kit lanyut magi ma pe nen ni, lutino ma nyutu goro i yoo macalo meno pol kare pe giromo nongo kony ma opore ka i poro ki lutino ma lanyut gi nen woko kamaleng. Pieno pire tek twatwal ni myero wabed ma wang-wa twolo ka wangiyu onyo walubu kit lutino-wa.

- **Ngo ma kelo goro magi**

Glades: Ka i neno onyo i winyo dul lwod me pwonye wa mapatpat me lutino weng romo pwonye, ibinongo ni gin ma kelo goro magi weng aa ki i adam, dongo ne ki peko mo keken malube kwede. Marom ki meno bene, pol gin ma kelo goro mogo mapatpat ma mako kit dano aa ki i wic onyo adam ento romo lube ki kit kwo ma lutino pwonyo ka gitye ka dongo.

Labol me goro man waromo lwongo ni kit dano ma weko dano pe bedo mot dok layela. Goro mapatpat ma nyutu labol magi; kwero lubu cik, bedo ger/gero i kom luwote dok pe paro kit ma luwote winyo kwede. Pol kare, latin ma tye ki goro man romo bedo ni onongo ki bot luywal-le onyo tye i dog gang-gi ki bene nongo peko romo bedo i kit ma watamo kwede i ngo matye katime i kwo pa latin, dok man mito yele kikome me niang ngo kikome matye katime. Labole, yot mada ki wan me niang ni watye ka diyo onyo wano kom luwot-wa. Lutino matye ki goro macalo man nongo tek mada me niang gin macalo meno. Kong i tam kit ma goro magi balo kwede kwan pa latin i gang kwan, pien mite ni myero gurwate dok gunywak pwonye i gang kwan labongo gero ki kelo awano onyo arem i kom luwotgi

Gin mukene ma pire tek ma pe watwero bedo labongo waco-ne en aye kama wa bedo iye. Pire tek mada pien konyo tiro kit kwo wa. Man niange ni cawa mukene gin mo keken matime kama wabedo iye tiro onyo yubu kwo wa i yoo maber onyo marac malube ki kit ma wadok iye kwede. Tyen lokke ni kabedo ma orumu wa bene adwogi ne nyute i kit kwo pa lutino-wa. Labole, pwony ki bot luyondo gi, lurem mapatpat ma gi bedo kwedgi, miti pa luyondo-gi, calo ni, lutino gi myero obed luloyo ki bene kit ma nongo lutino mer kwede ki lunyodo gi. Kadi bed ni, pe watwero kok i

kom lunyodo pi kit goro i kwo pa lutino gi, gin bene romo weko kwo pa latin bedo maber onyo marac dong loyo, makato ne ka i nen latin ki nywalo anywala ki goro nia ki bot lunywal.

- **Kit me konyo lutino matye ki kit goro magi**

Toolit: Kit macalo dong wanywako tam i kom kwayi yoo ma waromo konyo ki lutino matye ki goro mapatpat ma balo pwonye i dul pwonye wa mukato ni, wamito nywako kwedwu bene kwayi yoo mapatpat ma waromo konyo ki lutino matye ki goro i kit me kwo.

Ka waniang i kom lutino matye ki goro ni, pol kare gin ma watimo en aye yenyo kom kit goro eno ni kikome, ki bene kit ma waromo juku ne kwede. Pol pa dano tye ki yoo mayot me timo meno, dok bene meno pol kare bedo malube ki kit pwod mo. I kine romo bedo kwanyo gituku pa latin woko, weko gitiyo gin ma pol kare pe gi maro timo ne onyo goyo gi agoya, magi ducu i agikke ne kelo wa i gin acel; weko gin mo ma latin pe maro time wek latin opwonye pe nyutu kit kwo ma nyutu goro odoco. Gin ma wiwa wil iye en aye niang pingo latin tye kanyutu kit kwo eno ni. Kit kwo mapatpat bino ki adwogi ne, onyo gin ma wamaro lwongo ni pwoc/magoba. Labole, ka latin tye ka kwalo cam i gang kwan, adwogi ne cut kelo yengo. Adwogi pi timo meno nyutu kamaleng tyen lok ma oweko latin okwalo kwo, ma en aye me nongo yengo pien latin meno dek onongo pe oromo i cawa me cam i dyeceng. Ka dong i niang man, romo konyi me ngeyo ngo ma i romo timo, man weko i keto cwinyi i kom yoo ango me gengo kit kwo meno me ka miyo pwod. Tyen lokke ni, kit ma i niang kwede i kit kwo pa latin moni bene weko i keme ki ngo ma oweko latin meno ni nyutu kwo matye kwede ni, romo bedo ni pe tye yoo acel keken me konyo kit kwo meno. Ka i kwanyo ngo ma kelo kit goro ni onyo kit kwo meno, ibinongo ni latin pe dong obibedo ka timo onyo kanyutu kit kwo acelli. Malube ki meno, nywako lok ki latedo ki i gang romo gengo ngo ma oweko latin okwalo dek - ki mede ka waco ki latin bene ni kwo rac.

Labol mukene romo bedo latin ma tiko lenge iwi kabutu ma pud peya onino dyewor weng. Eni romo bedo peko, ma weko lutino mukene i ot acelli pe nino. Ka latin tye ka lenge iwi kabutu pi dakika ma romo apar wiye abic, ngo ma obitime ingeye? ngo ma obibedo adwogi ne cut cut? I ada, gi obiolo woko. Tyen lok ango ma i tamo ni oweko gi mito olo? Kong i ket ni i weko latin obedo ka neno cartoon ma peya ocito kabutu? Romo bedo ni gwok gitye ki kero ma dwong ma pe weko gi nino oyot, ma mite ni kong myero gutim gin mo ma obiweko gi-ol. Kombedi dong i niang adwogi ki ngo ma latin nongo i lenge. Man konyi me nongo yoo ango ma i romo konyo



Gulu, Uganda / Zwolle, The Netherlands

E-mail: info@backupuganda.org

Web: www.backupuganda.org

Tel: UG +256 7 72630078 NL +31 38 4604615

kwede latin meno, ki bene yoo mukene ma latin romo tuku kwede mapat ki lenge ma weko en ol. Labole. waket ni latin weko neno cartoon i nge cawa acel ma pud peya ocito kabutu ci kong timo gin mukene ma romo weko en ol, ci cito kabutu obibedo yot, dok lenge dong bedo pe. Me dolo dogge kany, ka i neno kwo ma obikelo ayela i kom latin, tute me niang i kom adwogi ne kong, ki pingo latin mito timo ne. Ci i romo nongo yoo mukene me weko gin timo gin ma gi mito, labongo nyutu kit kwo gi ma kelo ayela ni. Man en gin ma abiweko wun katam iye. Wuromo temo ne bene ki gang onyo i ot kwan.

Glades: Yoo mukene ma romo konyo latin ma tye ki goro ni, en aye me yubu kwo pa latin kit ma i mito kwede onyo kit ma i mito kwede. Lapwony ki lanyodo, wun weng mite ni wunyut kwo ma ber kit ma omi to ni lutino gubed kwede. Labole, ka i tye lapwony dok i waco ki lutino ni gugwok cawa, tute ki teki bene me gwoko cawa wek i bed lanyut ma ber bot lutino ni. Waket ni omyero i bed ka pwony cawa adek me odiko ento i oo i ot kwan i nge dakika pyera adek, ka kwo meno omede ki time, lutino ma i pwonyo gi bene obicako bino lacer, dok nongo giwaco ni lapwony wa bene maro bino lacer ka tye cawa ne, pieno wabidonyo i ot kwan ka en obino. Waneno labol magi kare ducu. Pe i romo bedo ki byek ni lutino omyero onyut kit kwo moni maber ka in macalo lapwony onyo layondo pe i nyutu kit kwo meno. Man rom-roma, ka i waco ki latini ni oyub ot kabutu ne maleng, nongo myero in bene i yubu meggi maleng makato. Ka ot kama dano bedo iye tye munywene, kun nongo pe i mito latini otim kumeno, ci dong latin cako ngeyo ngo ma myero otim nining? Nge ngo ma kit kwo maber obedo ki kit ma i mito ni lutino kwani onyo lutini obed kwede. Ci tii i yoo ma i nywako kwede ci i nyut woko. I romo nywako lok ki lutino wek i winy tam-gi bene wek miti-gi bene ocobe. Malube ki man, i romo moko kit yoo ango maber/cik pi ot kwani onyo gangi bene. Waket labole i kare me cako kwan me mwaka manyen, in ki lutino kwani weng romo tic kacel me kati ki yoo magi/cik. Wunywak kit kwo ango ma oneno ni opore ki ma pe opore bene ki kit ma omi to ni ngat acel acel okwo kwede i kom lawote, macalo woro ngat acel acel. Pire tek me tic ki labol manen kamaleng i kom ngo ma kit kwo meno nen kwede. I romo bene tic ki yoo me tuku goga wek lutino kwan oniang man maber. Nywako man kacel ki lutino pire tek dok miyo bot gi kero me bedo ki twero ki bene malube ki meno giye me lubu cik ducu pi gi ken-gi. Pol kare konyo mada me waco lok i yoo matir maniang maber. Kit ma i loko kwede pol kare romo weko lutino niang in maber. Labole, miyo wunu tic ducu ma mito agweta i acakki me kwan i ceng Baraja, man tye atir dok niange makato waco ni miyo wunu tic ducu me agweta i ceng Baraja. Ka i timo man kit meno, i tye ka lok ki lutino kwan i yoo ma opore i kom ngo ma i

mito ni gutim. Macalo lanyodo i romo waco kamaleng kit kwo ango ma nongo i neno pe opore. Angeyo ni pol kare lok calo 'wek meno' yot twatwal ki wan me tic kwede. Ka i nen waromo loko lok atir maniang, kun nongo wawaco ni, owek wor pien pe aromo winyo radio ka wutye ka wor.

Toolit: Kadi bed i tye lanywal, lapwony onyo gin aryo nu ducu, niang dok ngeyo kit kwo ma opore dok lweny pi kit maber pire tek. Pol lutino nyutu kit ma pe opore cawa weng ma miyo meno bedo kit me tino. Nia i kom meno, gin bene gi pwonyo jami onyo kit manyen dok dongo kwede nino ducu dok bene meno tye dongo ma pire tek. Ka latin nyutu kit ma opore onyo tiyo jami weng kit ma mite kwede, wek onge pire. Wac botgi dok pwo gi, nyut ki lutino kwan kit ma cwinyi yom kwede dok i maro gi. I timo magi, lutino mukene bene gubikwanyo kit ma opore dok gi pwonye ki iye.

Man lubu cuku cwiny mogo ma pi gi tek dok rom aroma ki miyo pwoc bot lutino kwan pingo ma i mito ni gutim. Pol kare waneno lunywal ki lupwonye ducu timo man. Tika onongo i ngeyo ni magi cuku cwiny lutino me timo gin ma opore kare ki kare?. I ot kwan ki gang, pol kare waneno lutino ma nongo pwoc ma opore ki bot lupwonye onyo lunywal, lutino ma nongo pwod ki lutino mogo ma bene ki jalo gi woko. Kong in i tute me keto komi onyo kwo ni i kit pa latin: I winyo nining ka ki miyi pwod? Ki bene ka ki jali onyo ki bwoti woko ata? Ka ki pwoyi kono? Ngo ma weko in i twero kwo onyo nyutu kit ma ki tye ka mito ni i kwo kwede?. Labole, ka i tye ka tic, ngo ma weko onyo miyo ki in kero me tic: pwod pi timo gin marac, onyo kede pwoc pi timo gin maber?. Pwoc kakany pire tek mada pien miyo kero bot lutino kadi wa ludongo me tute pe me jalo onyo weko lek onyo neno gi woko. Ka i jalo latin woko dok pe i konyo me nyutu gin ma atir onyo ma opore, ka i miyo labol maraco keken. Latin mo ma maro meno peke dok romo weko gi jalle woko ki temo gin mo ku. Pi man, tute me pwoyo yele gi wa kit maber bene wek ocuk cwiny gi me mede kwede.

Glades: Tye kwayi mic mapol mapatpat ma i romo tic kwede macalo jami ma nen makome ki ma pe nen ento pi gi tek adada. Mic ma nen makome romo bedo; kalam coc onyo kalam lago cal, buk, jami acama ma lim-lim ma lutino maro ki kit mic mo keken ma i romo miyo. Mic mogo ma romo bedo gin ma pe nen en aye; pwoyo lutino, wero wer pi gi, dongo cing pi gi ki mukene mapol maromo weko gi bedo onyo winyo agonyo. Yoo mukene me miyo pwoc romo bedo nongo magoba pi aloka-loka ma onen onyo latin onyutu nia i pwonyo gin maber ki i kit goro mo

keken. Waket ni i mito latin ogik lweny i kom omine onyo lamine, yoo me gengo kit man en aye me lok aloka. Cawa weng ma latin ogengo lweny nia i lok aloka, i bibedo ki niye ni olo dong aloka-loka tye dok latin nongo iye magoba. I nge latin nongo magoba mapol malube ki kit ma wumoko kwede, waromo keto ni magoba cung pi gin mo maromo apar ci dong latin yero ngo ma en mito macalo pwoc. Man romo bedo gin anuta ma lim-lim onyo galo wang ki neno cal ki i nyonyo macalo TV pi dakika pyera adek malube ki ngo ma latin maro matek. Kit man, i miyo miti ki latin me pwonyo kit ma i mito dok opore nia i pwonyo ne kare ki kare loyo goyo latin agoya pi kit ma nongo pe opore dok pe i mito.

Toolit: I yoo ducu, bibedo ber me bedo larem dok niang-gi kit ma mite kwede. Waromo pwonye me bedo ber makato bot lutino wa ki konyo gi, waromo tic ki lok calo apwoyo ki tima kica pi gi wek gupwony ka gitye ka lego gin mo onyo penyo pi twero me timo gin mo. Magi ducu twero kelo kit mabeco i latin, makato ne ka i tute me lok kwedgi me ka ngolo kop i wigi. Kakany aye kama lunywal ma tiyo ki leb ma pe opore i kom lutino gi timo bal, labole lwongo gi calo gin ma konye pe ki ludingo. Amito acuk cwiny lunywal me nyutu mar bot lutino gi kadi bed ni tic ki jami mukene diyo gi ma miyo pe giromo nongo cawa me lubu dok niang kit ma lutino gi tye ka kwan kwede wa ki kit gi bene: kit ma gitye ka timo kwede wa ki kit gi i gang kwan, gitye ka timo tic ducu ma ki miyo bot gi ki i gang kwan ki dong gutimo tic ma ki miyo ni myero gutim ki gang?. Gin maro gang kwan gi ki ot kwan gi mono?. Gin mono tye ka mako wat ki luwot gi maber?. Bedo i kacoke pa lunywal i gang kwan en aye yoo ma opore kany, ento amito cuku cwiny lunywal ki lupwonye ma gi tye ka winya me tiyo makato magi. Lupwonye, ka onen wupeke katimo magi, wutute me neno ni omiyo jami magi obedo calo kit me kwo wu me lok ki lunywal. Bedo ki kube ma opore ki lunywal pire tek me lweny i kom kit lutino matye calo goro. Wuwek lunywal obed ki ngec ka onen lutino gi pe kwo kwo ma opore onyo atir dok bene wunen ni guye me tic ki cik mogo ma opore kit me gang kwan ni. Lunywal, rwate ki lupwonye pa lutino wu me niang yoo ducu ma opore me konyo lutino wu konyo me kubu wat i kin lutino ki kabedo ducu. Lutino pol kare pe gi kwo kit kwo acel ma gi kwo gang ki i gang kwan bene, omiyo pire tek me ngeyo ki bot dul aryo nu ducu wek okony me pwonyo latin.

Me agikki, lapo wic, mito wange ni cok-cok lutino ducu nyutu kit mapatpat kare ki kare i kabedo mapatpat pi tyen lok ma nyutu kono gitye ka lweny ki goro mo onyo ku. Ka i nen i tute me niang



Gulu, Uganda / Zwolle, The Netherlands

E-mail: info@backupuganda.org

Web: www.backupuganda.org

Tel: UG +256 7 72630078 NL +31 38 4604615

tyen lok ma omiyo latin moni nyutu kit mo i yoo ma i neno ni, dok i tye ki yoo mapol me tute me lweny ki kit meno labongo kelo awano i kom latin, ci nongo i tye katimo me aura mada.

- **Ka wagiko dong**

Glades: Apwoyo winyo dul me abicel me lwod wa ma mako yoo ango ma lutino weng romo bedo ki kero me pwonye kwede. Me oo i dul me abicel man, dong wa ngiyo lok ducu ma mako goro mapatpat ma diyo lutino i yoo me pwonye onyo kwan. Wageno ni man tye ka konyi me ngeyo dok niang goro mogo ma dong gwoki i neno doki i tye ka nongo yoo ducu me konyo latin ma tye ka lweny ki kit goro macalo meno. Walego ni pe i wek gin mo odiyi/ogali ki kube kwedwa pi nongo lok ki pwony mapol, cwinywa bibedo yom dok wamaro ka wawinyo ki boti.

Glades: Wapwoyo winyo dul lwod wa me abicel me **Lutino weng romo pwonye**. I romo nywaku tami kwed wa! Iromo bene kube kwedwa in facebook nyo i romo cwalo lapeny i namba 0772630078. Imito ngenyo matut i kom dul me Backup Uganda, wek i bed ki ngec i kom jami ma time? i romo nongo wa ki wiyamo me **internet** ma tye i wang **website** wa ma ki lwongo ni www.backupuganda.org ki bene wuromo lubu wa i facebook, instagram, twitter ki bene i linkedin.